



UNIVERSITÄTS-
BIBLIOTHEK
PADERBORN

**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 25. Pietas & munificentia Ioannæ Austr.Mag.Duc.Hetruriæ.

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

Deiparam Virginem salutauit. Inde velut alienato à sui cura ad cœlestis Reginę venerationem animo , nunquam neque imbris , neque cœli inclem̄tia perPELLi potuit , vt semel apertum operiret caput : adeo se caputque suum B. Virginī deuouerat , cuius præsidio se incolumem credebat esse . Postquam ad sacram Aedem peruenit , totius ante actæ vitæ noxis confessione expiat̄is , grates B. Mariæ ingentes agit : protinus vota persoluta satis magnæ pecuniæ cumulat dono . Comites insuper , & voce , & extemplo ad parem pietatis laudem accendit . Voti pietatisque munere perfunctus Neapolim regreditur , ingens Lauretanæ Virginis desiderium secum ferens .

Singularis pietas , ac munificentia Ioannæ Austriacæ Magnæ Ducis Hetruriæ.

Cap. XXV.

NE C per id tempus Principibus viris feminæ nobilissimæ pietate erga B. Virginem cessere. Quadrennio ante (opus enim fuit rerum, personarumque ordinem sequenti, negligere nō nihil ordinem temporum) inter initia Pontificatus Gregorij XIII. Ioanna Austriaca Ferdinandi Cæsaris filia , eademque Francisci Magni Hetruriæ Ducis vxor Lauretum petijt, diuturnam Virginis visendæ sitim explere cupiens . Ergo Pontificis iussu,tota Pontifica ditione, regio cultu excepta à Paulo Odescalco Atriensi , & Pennensi Episcopo , qui ad id ipsum ab Urbe destinatus fuerat à Pôtifice Max. ad optatissimam Virginis Aedē deducitur. Ceterum pia mulier sub Recineti mēnibus, Laurentana Aede procūl conspecta, confestim vehiculo desilit, ac submissis genitis Deiparam enixe salutat . Inde reliquum iter confici sedibus , vniuerso comitatu Dominæ exemplum sequente. Laurentum intravit in ueste candida,

*Anna Laur.
Riera.*

tenui-

tenuique, ex qua candor mentis eius eximius pelluceret. Inde etiam modestia eiusdem exsttit singularis. Nanque à duobus Episcopis in sacrosanctam Virginis introducta Domum, contemptis puluinariibus, ac tapetis, super nudō paumento procumbit in genua: cæli Regem, reginam que illius domus olim habitatores, nunc præsides impensē colit: manantibusque lacrymis veniam sibi, ac viro suo: ad hæc concors coniugium, virilemque insuper stirpem precibus exposcit. Solemnibus exinde expiata mysterijs, in sequentem noctem totam supplex ante Beatam Virginem, impensius iteratis absumpſit precibus. Idem duobus consecutis diebus, totidemque noctibus factitauit: tantum illi virium incensa pietas suggerebat. Discedens porro duo corda aurea aureis catellis ante B. Mariæ ora suspendit: siue vt monumento forent, illam sibi, viroque suo esse cordi, siue vt Virgo author concordiæ talem coniugis sui animum præstaret sibi, qualem suum erga illum sciret esse. Neque his contenta donis, ita discessit, vt fixum haberet, Lauretanam Virginem aliquo dono colere quotannis. Idq. quam diu vita suppeditauit, impensius etiā fecit, quam statuit. Argentea Christi crucifixi effigies præclara, cum ingenti cruce ex ebeno, candelabra quatuor sesquicubitalia ex argento per bene facta, solemnies Episcopi sacerdotis, ministrorum, aræque vestes ex auro argentoque bifariam crispante contextæ, & Phrygio insuper opere insignes: amictus quoque aureus Beatæ Virginis mirabili arte conspicuus, alia porro aræ toralia, & sacrorum calicum vela opere Phrygio, gemmis, auro, argentoque distincta, Ioannæ Austriacæ sunt munera. Nec in irritum piæ mulieris preces, donaque cecidere. A peregrinatione Lauretana, ex coniuge stirps ei virilis fuit, maternæ pietatis effigies in spem paternæ, ac pene regiæ ditionis genita, quæ matri aliquandiu superstes popularium suorum animos ad spem haud dubiæ felicitatis erexerat. Cæterum subinde mater exstin-

*Codio. Laur.
Magnæ Du
cis He trur.
D. egregia*

extincta, & arcuō Dei consilio matrem impubis filius secutus Hetruriam impleuit mōrōre, luctuque. At Ioahna Austriaca non solum factō rem Lauretanam ornauit, sed etiam exemplo. Haud ita multo post Margarita Austriaca (vt in eadē familiā non magis virtutis ex viris, quam ex mulieribus pietatis exempla peterētur) Caroli V. Imp. filia, eadēque Octavij Farnesij Parmentis Ducis vxor, Lauretanam Virginem adiit cum egregia nobilissimorum Procerum manu. Ibi Confessionis Euchariastiaeque mysterijs rite perceptis, totum triduum diuinis in templo officijs semper interfuit. in augustissimo facelio haud diutius, quam enixius Deo ac Dei matri supplicavit. Ingentique auri vi in arcām coniecta, B. Virginem se dignis munētibus coluit.

Ducis Lotharingi vxor paralytica Lauretum delata sanatur. Cap. XXVI.

Nec Austriacarum mulierum, Italiæque ea propria laus fuit. Christerna, seu Christina Sueorum rege, & Caroli Quinti Augusti sorore genita, eademque Dux Lotharingiæ, femina extitit virili virtute, eximiaque pietate. hæc magno iam natu, quamvis ætate, ac paralysi impedita, voti causa Lauretum venire constituit. Nec unquam passa est, id sibi votum, suorum rogatu à Pontifice cum alijs pietatis officijs cōmutari, adeo ardens erat Lauretanæ Virginis visendæ cupido. Lectica igitur cum regio pene comitatū in Italīa, Picenūque delata pergit ire quo destinarat, satis fidens ab se valetudinem B. Mariæ operari posse. Ergo in sanctissimæ Domus aditu, non cœlestem modo lætitiam hausit animo, sed pristinam quoque recepit corporis sanitatem. Illa membrorum, quibus capta erat, vsum ac vires extemplo sibi redditas sentiens, primum præter morem, sine ullo adminiculo institit pedi-

Dd bus,

Margarita
Austriaca
D.

Ann. Lehr.
Rier.
Vicf. Brigz.